

## Ēkwo k'eto, Jónu deru

<sup>1</sup> Ēkwo-ozí ọwaa shí l'ẹka mubẹ onye e meru ọgurenya chọchi. Onye mu ede iya anụ bu onye ono, mu yeru obu ono, bu iya bu Gáyosu; okfu lẹ mu l'iya tukuraru bya amaru okpobe okfu ono.

<sup>2</sup> Onya mu; mu ekfujekwa anụ Nchileke t'o mekwaa t'iphemiphe ọbule duru ngu lẹ mma; yo mekwaaphu t'ọ buru ẹhu-ba-du-mma nwenkinyi bu iphe ọko iya a-duje ngu; mbu ẹge mu mawaru-a l'ogbodo ndzu ngu ono, no l'ime obu ngu ono be ẹhu dukwaphu mma. <sup>3</sup> Ẹhu tsoru mu ẹna nshinu teke o nweru unwunna, byaru bya akọoru mu l'i vudoshikwaduru-a ike l'okpuberu okfu ono; ndzu ngu l'ọ ha abukotaleruphu ndzu ire-lanu. <sup>4</sup> Ẹ to nwekwa iphe ọdo, a-kajefua mu ome t'ẹhu tsọ mu ẹna; t'a gufu lẹ mu nuru l'unwu mu; be ndzu ẹphe bukotalephu ndzu ire-lanu.

### *Aaja Gáyosu ajaja*

<sup>5</sup> Onya mu; iikoshijekwa l'ọ gbaru t'e gude ire ngu ẹka l'iphe iimekpooru unwunna ayi; mbukpo jeye me unwunna, byaru abyabya.

<sup>6</sup> Ẹphe koru chọchi-wa ke n-yemobu nke ngu. Byiko; yejekwaru ẹphe ẹka teke ẹphe gbeshiru ije ẹphe. Mejekpelekwaruphu ẹphe iphe jiru Nchileke ẹpho. <sup>7</sup> Lẹ keshinu ẹphe gbeshiru ije k'okfu ẹhu Kuráýisutu b'ẹ to nwekwa iphe ẹphe

kwejewaru nata l'eka ndu e-ta budu ndu ke Kuráyisutu. <sup>8</sup> Oo ya bu le ndu du ege ono be gbaru t'ayi yejeru eka; t'o buru iya bu l'ayi l'ephe tuko gbaru mgba l'eje ozi ke okpobe okfu ono.

### *Dayótirifisu; me Dimítiriyosu*

<sup>9</sup> O nweru nwekwo-ozu, mu deru nu chochi; obu le Dayótirifisu, bu onye woru onwiya dobe l'ishi te eyeduru mu onu. <sup>10</sup> Oo ya bu le mu -bya be mu e-wofuta iphe oomeebe, bu iya bu mkpokoro okfu, eshije iya l'onu, oogudeje adzushi ejo-ire ekpu ayi. Onanu te dzu iya; yo gbeshi odo; bya ajika t'unwunna ba abya t'ephe le ndu chochi ja; bya akposhikwaphu unwunna t'ephe le ndu chochi ba ji; bya ebufu ephe le chochi.

<sup>11</sup> Onya mu; ba mukwa eka ejo iphe; mukwaa eka iphe-oma. O kwa onye eme ohuma bu ke Nchileke. Onye eme eji ta phubukwaa Nchileke.

<sup>12</sup> Dimítiriyosu be onu wukoru l'ome-ohuma nk'iya. O kwaphu ege ono be okpobe okfu ono l'onwiya aja iya; ayibedua l'onwayi l'ajakwa iya phu. Unubedua marua l'ajaja, ayi aja iya be bukwa oswi-okfu.

### *Ekele mkpo-chi ishi iya*

<sup>13</sup> Iphe, mu ga e-de hakwa l'igwe; obu l'e to budu mkpishi-ekwo; me mini-ekwo be mu e-gude dekotaru ngu iya. <sup>14</sup> Mu arikwa le mu ta anohedu ophu baru ishi; mu akpafuta ngu; mu le nggu ekfugbawaru l'ifu l'ifu.

<sup>15</sup> T'ehu dukwa ngu agu.

Ọnyà ngu phẹ ajikwa ngu phụ. Jikwaaruphu  
ayi ndu ọnyà ayi phẹ l'ẹhu l'ẹhu-o.

**Bayiburu Ikwo**  
**Ikwo: Bayiburu Ikwo Bible**

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

3867ef4e-3384-5ab4-a937-63476bb8a7bb